




Rótarýklúbbur Mosfellssveitar

17. mars 1981 – 2001

ÁVARP FORSETA RÓTARÝKLÚBBS MOSFELLSSVEITAR

Rótarýhreyfingin var stofnuð af Chicago-búanum Paul Harris 27. febrúar 1905 og er starfsgreinafélagsskapur sem heldur fundi vikulega. Félagar eru yfir 1.200.000 í nálægt 29.500 klúbbum í 160 löndum. Þar af eru á Íslandi um 1000 félagar í 28 klúbbum.

Markmið Rótarýhreyfingarinnar

Markmið Rótarýhreyfingarinnar er meðal annars að vera alþjóðafélagsskapur leiðandi manna sem sameinast um þá ósk að þjóna öðrum án tillits til trúarbragða, stjórnmála, kynþátta eða þjóðernis. Að gera rótarýfélögana með þátttöku í rótarýfundum og rótarýstarfi að fróðari, viðsýnni, hamingjusamari og umburðarlyndari félögum en áður, og þar með hæfari til að

vinna í hugsjónaanda rótarý að bættu mannlífi í sinni eigin fjölskyldu, í sveitarfélagi sínu, landi sínu og á alþjóðavettvangi. Að bera gagnkvæma virðingu fyrir störfum hvers og eins klúbbfélaga.

Rótarý leitast við að ná þessu markmiði með því að stuðla að skilningi og friði meðal allra manna og þjóða, efla frelsi og réttlæti í viðhorfum til mannlífs. Það vill rótarý gera á grundvelli þessara spaklegu orða: Það sem þér viljið að mennirnir gjöri yður það skulið þér og þeim gjöra.

Rótarýsjóðurinn

Flaggskip Rótarýhreyfingarinnar er Rótarýsjóðurinn sem heitir á ensku The Rotary Foundation. Úr þeim sjóði eru styrkt ýmis verðug verkefni en uppistaða

hans er framlög félaga Rotary International sjálfra.


Mesta framtak Rótarýsjóðsins er svokallað Polio-Plus átak, sem hefur það að markmiði að safna 400 milljónum

dollara til að standa straum af bólusetningu allra barna í þróunarlöndunum gegn lömunarveiki og öðrum smitsjúkdómum sem hrjá börn þriðja heimsins og ljúka verkefninu fyrir 100 ára afmæli Rótarýhreyfingarinnar árið 2005. Þetta verkefni er unnið í samvinnu við WHO Alþjóða heilbrigðisstofnunina og UNICEF, Barnahjálp sameinuðu þjóðanna. Árangurinn er meiri en menn óraði fyrir.



Jón Garðar Ágústsson

KVEÐJA FRÁ UMDÆMISSTJÓRA



Ég færi Rótarýklúbbsi Mosfellssveitar innilegar hamingjuóskir í tilefni 20 ára afmælis klúbbsins þann 17. mars 2001. Það var mér sönn ánægja við heimsókn mína í klúbbinn

þann 5. desember sl. að fá að afhenda honum viðurkenningu frá Rótarýsjóðnum fyrir hæsta framlag klúbbfélaga hér á landi til sjóðsins á síðasta starfsári. Þegar ég kallaði eftir því nýverið að rótarýklúbbarnir í umdæminu legðu fram fé til aðstoðar á jarðskjálftasvæðunum í El Salvador og á Indlandi kom það mér ekki á óvart að Mosfellssveitarféluginn væri fyrstur til að bregðast við og leggja sitt af mörkum. Flyt ég klúbbnum kærar þakkir fyrir framlag hans til fræðslu- og mannúðarmála í heiminum sem innt er af hendi í gegnum Rótarýhreyfinguna.

Ég hef verið félagi í Rótarýhreyfingunni í liðlega áratug og þegar ég lít til starfsemi hreyfingarinnar eru það þrjú orð sem koma upp í hugann og einkenna hreyfinguna og félaga hennar að mínu mati eins og áður hefur komið fram hjá mér, en það eru:

Ábyrgð, manngildi, þroski

Ábyrgðin endurspeglar í því að í Rótarýhreyfinguna veljast karlar og konur sem eru á einn eða annan hátt leiðandi í samfélaginu, atvinnulífinu og þjóðfélaginu. Að taka ábyrgð og bera hana er eitt það mikilvægasta fyrir hvern einstakling í lífinu, hvort sem um er að ræða ábyrgð gagnvart sjálfum sér, fjölskyldu sinni, eigin menntun, þjóðfélaginu, atvinnulífinu eða hvaðeina því sem færir einstaklingnum þá staðfestu sem er kjarni manngildisins.

Manngildið er einn af hornsteinum rótarýhugsunarinnar. Að meta hvern og einn af eigin verðleikum hans og mannkostum hvaða hlutverki sem hann gegnir í flóknu og margbreytilegu skipulagi nútíma þjóðfélags. Heiðarleiki, drengskapur og þegnskapur eru gulls ígildi í hraða nútímans, en með kröfum um háa siðgæðis-

vitund undirstrikar Rótarýhreyfingin mikilvægi þess að félagar hennar lifi fyrir sæmdina af því að vinna vel og hjálpa til að lyfta þjóðinni allri í viðleitni sinni til betra samfélags.

Þroskinn lýsir sér best í þeirri mannærkt sem stunduð er í klúbbunum, í samfélaginu og á alþjóðlegum vettvangi á vegum Rótarýhreyfingarinnar. Með þátttöku sinni í verkefnum í eigin samfélagi og með framlögum í Rótarýsjóðinn m.a. til að takast á við ólæsi, fátækt, offjölgun, sjúkdóma og náttúruhamfarir í heiminum opnast augu rótarýfélaga fyrir mikilvægi þess að þjóna einhverju mikilvægara en sjálfum sér í lífinu.

Með kveðju,
Steinar Friðgeirsson
Umdæmisstjóri 2000-2001

**Fundir haldnir
í Hlégarði alla
þriðjudaga kl. 19:00**

Rótarýlundurinn

Rótarýklúbburinn okkar fékk stóra spildu ofan við kjúklingabúið að Teigi til trjáræktar árið 1990. Þar höfum við plantað út alls konar trjám og runnum á hverju ári. Á vorin er mætt í rótarýlundinn og þar tekið til hendinni.

Gróðursettar eru nýjar plöntur, borið er á og klipptar til þær plöntur sem hafa aflagast eftir vetrarveðrin.

Fjölskylduvænt verkefni

Þetta er hin besta skemmtun. Við höfum maki börn og aðra fjölskyldumeðlimi með okkur. Allir hjálpast að við að bera áburð á

plönturnar, hreinsa grasið frá nýgræðingnum og dreifa plöntum til þeirra sem best handleika skóflurnar.

Grillveislur í gróðrinum

Á þessum 10 árum sem landið er búið að vera í umsjá Rótarýklúbbs Mosfellssveitar hefur verið gaman að sjá árangurinn sem birtist okkur í hvert sinn sem við förum þar um. Þessar ferðir okkar í lundinn eru ógleymanlegar. Þær enda alltaf með grillveislu og skemtilegum uppákomum.

Áhugi á skógrækt

Fullyrða má að íbúar Mosfellsbæjar hafi verið ötulir að planta trjám í sitt heimaland. Víða í hlíðum byggðarinnar eru



Allir taka þátt

fallegar hríslur að stinga sér upp sem duglegt fólk og áhugasamur garðyrkjustjóri hafa unnið að. Það er göfugt starf. Við ætlum líka að vera dugleg að fylla lundinn okkar að trjám og runnagróðri.

Ábatasöm iðja

Hægt er að segja að plönturnar vaxi þó við séum lögst til hvílu. Svo málið er að vera duglegur að planta þó hríslan sé ekki stór í upphafi, hún stækkar, vertu viss!



Í lok gróðursetningar

Útgefandi: Rótarýklúbbur Mosfellssveitar
 Ábyrgðarmaður: Friðbert Pálsson
 Umsjón útgáfu: Friðbert Pálsson,
 Knútur Óskarsson, Jón Jóhannsson,
 Vigfús Aðalsteinsson, Páll Ólafsson,
 Hafberg Þórisson, Jón Garðar Ágústsson
 Prentun: Gutenberg. – Upplag: 3.000stk

FÁÐU MEIRA

PEPSI



ASK FOR MORE

Tuttugu árum fagnað

Rótarýklúbbur Mosfellssveitar var stofnaður 17. mars 1981 og fagnar því 20 ára afmæli sínu um þessar mundir. Stofnfélagar voru 22 og eru 10 þeirra ennþá í klúbbsnum í dag.

Nýr klúbbur fæðist

Aðdragandinn að stofnun klúbbs okkar var sá að Jón Jóhannsson hafði verið búsettur í Ólafsvík og verið rótarýfélagi þar. Hann var fluttur í Mosfellssveit og hóf að kanna hvort þar væri starfandi rótarýklúbbur.

Jón Gunnlaugsson, félagi í Rótarýklúbbsi Seltjarnarness, sem var þá umdæmisstjóri, greip hugmyndina og gengust klúbbfélagar hans fyrir stofnun klúbbs okkar á 10 ára afmælisári sínu. Er Rótarýklúbbur Seltjarnarness því móðurklúbbur okkar.

Félagar í Rótarýklúbbsi Seltjarnarness reyndust okkur mjög vel og tóku virkan þátt í uppeldi afspengisins. Fræddu þeir okkur um Rótarýhreyfinguna og ýms önnur mál og voru ólatir við að mæta á fundi hjá okkur og halda þar erindi. Hefur verið gott samband milli klúbbsanna síðan.

Þegar klúbburinn var stofnaður var meðalaldur félaga innan við fjórutíu ár og taldist lágur. Í dag eru í klúbbsnum 26 félagar.



Í móttöku hjá Þóri Gunnarssyni ræðismanni Íslands í Prag

Mannbætandi starf

Það hefur á margan hátt verið þroskandi og gefandi að vera félagi í rótarýklúbbsi.

Samskiptin við félagana á fundum og ekki síður við ýms önnur tækifæri hafa eflt vináttu sem er og verða mun öllum félögum dýrmæt er fram líða stundir.

Eru endurminningar frá samverustundum hinn dýrmæti fjársjóður sem hægt er að ganga í er kemur fram á ævina.

Á fundum okkar sem eru haldnir einu sinni í viku eru yfirleitt fyrirlesarar sem hafa flutt fræðandi erindi um alla skapada hluti. Höfum við félagarnir oft komið margs vísari heim af klúbbfundum og öðlast aukinn skilning á störfum annarra en eitt af markmiðum rótarý er að efla skilning og vináttu manna á milli og ekki síst

efla skilning og virðingu fyrir störfum hver annars, m.a. þess vegna halda félagarnir í klúbbsi sínum erindi um starfsgrein sína.

Upphafið í Chicagó

Rótarýhreyfingin er alþjóðleg hreyfing. Varð fyrsti klúbburinn til árið 1905 í Chicagó.

Félagar voru fyrst 5 að tölu og héldu fundi á skrifstofum sínum til skiptis. Skiptu þeir þannig um fundarstað vikulega og þaðan er nafnið komið. Rótarýklúbbsarnir eru starfsgreinaklúbbar þannig að ekki eiga að vera fleiri en einn félagi úr hverri starfsgrein í hverjum rótarýklúbbsi.

Nú hittast rótarýfélagar vikulega á ákveðnum fundarstað á ákveðnum tíma og snæða saman og njóta samvista hver við annan og hlýða gjarna á einhvern fróðleik. Með því stuðlar rótarý að auknum kynnum manna á meðal, eflir skilning manna á starfi hver annars og leitast við að efla þjónustuhugsjónina en hana telur rótarý vera skilyrði allrar góðrar og gagnlegrar starfsemi.

Nú eru í heiminum um 29500 rótarýklúbbar og eru félagar tæplega 1.200.000. Rótarýklúbbar eru starfandi í öllum heimsálfum og flestum löndum heims hvað sem trúarbrögðum eða kynþáttum líður.

Rótarýsjóðurinn

Allir rótarýfélagar í heiminum leggja fé í sjóð, Rótarýsjóðinn. Eru framlög í sjóðinn frjáls. Sjóður þessi er mjög öflugur. Hann er ekki byggður á söfnunarfé heldur eingöngu á framlögum rótarýfélaga sjálfra. Rótarýsjóðurinn veitir ýmsa styrki til rótarýklúbbsa eða einstaklinga. Eru námsstyrkir Rótarýsjóðsins taldir einhverjir þeir bestu og eftirsóttustu sem völ er á. Hafa 39 Íslendingar fengið námsstyrki úr sjóðnum.

Barátta við sjúkdóma

Árið 1985 hófst fyrir forgöngu Rótarýsjóðsins átak til þess að bólusetja öll börn í þróunarlöndunum gegn lömunarveiki og fleiri barnasjúkdómum. Er stefnt að því að átaki þessu ljúki árið 2005 með því að lömunarveiki hafi þá verið útrýmt úr heiminum.



Afhending Paul Harris orðu fyrir vel unnin störf



Frá Karlsbrúnni í Prag

Hin góðu kynni...

Rótarýhreyfingin stuðlar ekki eingöngu að kynnum milli þeirra manna sem sækja rótarýfundi. Gengst rótarý fyrir alls konar alþjóðlegum samskiptum manna á meðal svo sem nemendaskiptum, starfshópaskiptum, vináttuheimsóknum, ungmenntaskiptum í sumarleyfum, sumarbúðum o.fl.

Þá er öflugt alþjóðlegt félagslíf rótarýfélaga við tómsundaiðkun. Hittast t.d. rótarýfélagar sem stunda einkaflug iðulega og golfkeppnir eru háðar, bæði Norðurlanda-, Evrópu- og heimskeppnir. Fleira mætti telja.

Rótarýhreyfingin lætur sér annt æskuna og hún lætur sér annt um gamla fólkið.

Í hátíðasöng – Minni Rótarý eftir Ragnar Jóhannesson hljóðar fyrsta erindið svo:

Ei hófst hún með göngu né herlúðradyn sú hreyfing, er vér skulum minnast.

Í handtaki föstu frá hugþekkingu vin er henni því léttast að kynnast,


-í falslausri vináttu frjálsborins manns, í félagsskap traustum og þjónustu hans.

Ánægjulegt starf

Rótarý hefur hingað til starfað í kyrrþey en ekki við herlúðradyn og áskilur sér hvorki hrós né þakklæti fyrir það starf sem hreyfingin hefur innt af hendi. Er Rótarýfélögum nægilegt að vita um árangurinn sem náðst hefur af starfinu. Við félagarnir í Rótarýklúbbsi Mosfellssveitar erum stoltir af því vera hluti af svo miklu alþjóðlegu afli sem raun ber vitni en telur þó ekki nema tæplega 1.200.000 félaga í heiminum öllum.

Megi Rótarýklúbbur Mosfellssveitar eflast og dafna um ókomin ár.

Örn Höskuldsson



Öflugt félagsstarf

4

Það er hverjum manni nauðsynlegt að eiga félagsleg samskipti við meðbræður sína. Til þess myndum við ýmis félög sem hafa margvísleg verkefni og sjónarmið sem henta hverjum og einum. En til þess þurfum við að kynnast verkefnum og starfsemi þess félagsskapar sem hugnast eða hentar þeim sem leitar félagsskapar við samferðamenn sína.

Í þessu blaði okkar rótarýmanna, sem við gefum út í tilefni 20 ára afmælis okkar, ætlum við að kynna félagsskap okkar í þeim tilgangi að þeir eða þær sem finnst að þessi félagskapur geti höfðað til þeirra, banki á dyr hjá okkur. Fjórprófið sem við förum sameiginlega með í lok hvers fundar er nokkurs konar vers sem er farið með sameiginlega en ekki sungið, minnir okkur á að taka ýmsa hluti alvarlega og félagsmenn eru alvarlegir í fasi þegar þeir mæla



saman fjórprófið. En við sláum oft á létta strengi og við gleymdum ekki mökum okkar og börnum.

Einu sinni á ári hverju hafa verið haldin svokölluð konukvöld en þá bjóðum við konum okkar á góðan veitingastað og matseðillinn er vandlega valinn af mesta matgæðingi klúbbsins. Einum klúbbfélaga er falið að flytja minni kvenna og í flestum tilfellum tekst það vel. Komið hefur fyrir að þeir klúbbfélagar sem geta bundið mál sitt í ljóðum hafa flutt konum mál sitt í bundnu máli og hefur það brætt hjörtu þeirra að því er best verður séð. Nú hafa tvær konur gengið í klúbbinn svo ljóst er að konukvöld framtíðarinnar breytast í makakvöld.

Árshátið halda klúbbfélagar árlega, oft með öðrum rótarýklúbbum og hafa þær samkomur skilið eftir góðar minningar og eftir kynningu meðal rótarýfélaga. Tvisvar sinnum á þessum 20 árum hefur Rótarýklúbbur Mosfellssveitar haldið fundi erlendis. Í Lúxemborg hélt klúbburinn fyrir nokkrum árum konukvöld. Ferðin var jafnframt skemmti- og verslunarferð fyrir fjölskylduna til Trier í Þýskalandi og var það öllum eftirminnanleg ferð.

Í nóvember s.l. var 1000 fundurinn haldinn hátíðlega í borg turnanna, Prag. Farið

var fimmtudaginn 23. nóv s.l. með tékkneskri flugvél á vegum Heimsferða og lent í Prag tæpum 4 klst. síðar. Vel skipulögð dagskrá beið rótarýfélaga og maka í Prag. Margir fóru í þriggja klst. gönguferð á föstudeginum um miðborgina þar sem minjar auðlegðar Prag frá fyrri öld kom í ljós og jafnframt menjar afturfarar og hnignunar síðustu áratuga.

Þórir Gunnarsson ræðismaður Íslands í Tékkóslóvakíu og Ingibjörg Jóhannsdóttir kona hans buðu hópnum til veislu á heimili sitt áður en haldið var á hátíðarfundinn um kvöldið.

Laugardagurinn var fullbókaður með verslunarferðum og stór hópur fór í Ríkisóperuna um kvöldið þar sem flutt var óperan Nabucco eftir Verdi.

Það má því til sanns fegar færa - að rótarýfélagskapurinn styrkir okkur í að sýna og sanna að maður er manns gaman.



Á góðri stund



Tækja Tækni hf.

MAPRESS Pressfitting lagnaefnið

- Alltaf skrefi á undan

- Ryðfrítt stál AISI 316 fyrir neysluvatnslagnir.
- Svart carbonstál fyrir miðstöðvalagnir.

Þjónustuaðilar um allt land.

Tækja-Tækni hf
Smíðjuvegi 44d
Kópavogi
sími 557 5400

Yfir 30 ára góð reynsla við íslenskar aðstæður



MORAINXX


mora
(ma) armatur



LÚXUS

blöndunartæki fyrir heimilið

Morainxx er nýjasta línan frá Mora og fæst
bæði fyrir bað og eldhús



Smiðjuvegi 11 • 200 Kópavogur
Sími: 564 1088 • Fax: 564 1089 • tengi.is

Eykur það velvild og vinarhug?

Óhætt er að segja að Rótarýhreyfingin starfi á kristilegum grunni, enda er eitt megin inntak hreyfingarinnar sá boðskapur biblíunnar að það sem þér viljið að aðrir menn gjöri yður skuluð þér og þeim gjöra.

Að bæta heiminn

Ein spurningin í fjórþrófi rótarýmanna er: „Eykur það velvild og vinarhug?“. Með því að spyrja sig slíkrar spurningar í störfum sínum leitumst við við að glæða þjónustuhugsjónina nýju lífi í öllum þeim störfum sem við tökum okkur fyrir hendur.

Rótarýhreyfingin starfar mest á alþjóðlegum grunni og hefur með samtakamætti allra rótarýmanna í heiminum lyft grettistaki, einkum í hinum svokallaða þriðja heimi, þar sem kraftar hreyfingarinnar hafa notið sín í bólusetningarherferð gegn barnasjúkdómum.

En rótarýhugsjónin er til staðar þar sem hennar er þörf og án þess að eftir henni sé leitað sérstaklega, hún er til staðar í öllum verkum okkar bæði í atvinnulífinu og innan fjölskyldu og vana. Þannig er það ekki heldur aðalsmerki rótarýmannsins að bera á

torg það sem hann er að gera og hugsa hverju sinni.

Gefandi samskipti við aldraða

Rótarýklúbbur Mosfellssveitar hafði hér fyrir á árum mjög gott samstarf við Kvenfélag Lágafellssóknar um dag aldraðra, sem kallaður var svo í bæjarfélaginu, þessi dagur var okkur öllum ákaflega mikilvægur og skemmtilegur og fólst einkum í því að sækja aldraða borgara sem áttu ættir sínar

til Mosfellssveitar víðsvegar að úr nágrenni bæjarins og eiga með þeim skemmtilegan dag í Hlégarði, þar sem spilað var á spil og bingó og þegið kaffi og veitingar frá kvenfélagskonunum. Að loknum degi var síðan gestum okkar ekið aftur til síns heima. Starf þetta var ákaflega vel þegið og skemmtilegt og sannar fyrir okkur að ekki þarf alltaf að hafa svo mikið fyrir hlutum til þess að þeir verði ánægjulegir, mann-bætandi og öllum til góðs.

Sá er þetta ritar sendir þessum gömlu vinum okkar bestu kveðjur með þakklæti fyrir síðast.



Einu sinni á ágústkvöldi...

BÍLAVERKSTÆÐI
Guðvarðar og Kjartans
Önnumst allar almennar bifreiðavilgæðir,
jeppabreytingar, rennismíðl,
sprautun o.fl.



Flugumýri 16 c, Mosfellsbæ
Sími: 666257 – Farsími: 985 36057
Fax: 667157



Bílaverkstæði
Sigurbjörns Árnasonar
Flugumýri 2 • Mosfellsbær
Sími 566 62 16



MENNTASKÓLINN Í KÓPAVOGI
KÓPAVOGUR GRAMMAR SCHOOL



G. PÁLMASSON ehf.
Finnahafsta 12 • 130 Reykjavík
Sími 567 4080 • Fax 567 4084 gp@gp.is
RAFLAGNIR-BOÐLAGNIR-TÖLVULAGNIR

Því miður eiga allt of margir of lífinn rétt til ævilífeyris þegar „bestu“ árin renna upp, en við höfum lausnina.

Við hjá Allianz bjóðum fram aðstoð okkar til að tryggja öruggan ævilífeyri.

Dæmi:

- 51 árs kona sem leggur fyrir 32.000.- krónur á mánuði til 67 ára aldurs.
- Þegar hún er orðin 68 ára fær hún greiddan lífeyri til æviloka 74.000.- krónur á mánuði sem hækkar að lágmarki um 1,2% á ári.
- Ef viðkomandi leggur fyrir til 70 ára aldurs þá yrði byrjunarlífeyrir 104.800.- krónur.

Ef viðkomandi fellur frá áður en til lífeyris kemur er allur höfuðstóllinn greiddur út ásamt vöxtum til eftirlifandi. Eftirlaunatryggingin býður tryggingartaka í lok samningstíma að skipta lífeyrisgreiðslum milli tryggingartaka og maka hans.

Allianz í Þýskalandi ábyrgist útgreiðslu höfuðstóls ásamt vöxtum.

Allianz er stærsta tryggingafélag í heimi, með starfsemi í 77 löndum og yfir 60 milljónir viðskiptavina. Félagið fékk í júní 2000 einkunnina AAA frá hinu þekktu matsfyrirtæki Standard & Poors.

- Allianz Ísland hf. söluumboð
Höfðabakka 9, 6 hæð, 110 Reykjavík
Sími 533 5040, fax 533 5045 - Heimasíða www.allianz.is - e-mail allianz@allianz.is



Allianz Ísland hf. söluumboð



Rótarýggjafavara

FANNAR Lækjartorgi
S: 551-6488


KPMG
Allrahanda
EXCURSIONS

Vetingahúsið Esja
Hotel Esju

 **ÍSTEX**
ÍSLENSKUR TEXTÍLDNAÐUR HF.

 **FLUGFÉLAGIÐ ATLANTA**
ÍSLANDSBANKI FBA

Ferskt
Lambhagasalat

 **Lambhagi**

Vistvæn ræktun



Minningar frá fyrrverandi umdæmisstjóra

Forseti klúbbsins, Jón Garðar Ágústsson, hafði samband við mig og bað mig að rifja upp það eftirminnilegasta frá því ég gegndi starfi umdæmisstjóra, starfsárið 1990 til 1991. Það er að sjálf-sögðu margs að minnast frá þeim tíma.



Eiríkur umdæmisstjóri

Eftirminnileg námsstefna í Dallas í Texas vorið 1990, þar sem yfir 500 tilvonandi umdæmisstjórar víðsvegar úr heiminum sóttu fræðslu á vegum Rotary International. Þátttakendur, makar og starfsmenn töldu liðlega 1.500 og bjuggu allir á einu og sama hótelinu.

Ógleymanlegar heimsóknir í alla íslensku rótarýklúbbana þar sem okkur Sigrúnu, konu minni, var tekið með sérstakri hlýju og gestrisni.

Samvinna og góð kynni af fjölmörgum nefndarmönnum sem skipuðu nefndir rótarýumdæmisins og umdæmisráð og

einnig gott samstarf við starfsmann umdæmisins Þórdísi Árnadóttur.

Þátttaka í ráðstefnum á vegum Rotary International, umdæmisþingi í Svíþjóð, útgáfa mánaðarbréfs umdæmisstjóra og fl...

Ógleymanlegur stuðningur

En það sem kom strax upp í hugann og er tvímælalaust eftirminnilegast er hvað eiginkona mín Sigrún Árnadóttir stóð vel við bakið á mér og sú samstaða og styrkur sem ég fékk frá klúbbfélögum mínum í Rótarýklúbbsi Mosfellssveitar og þeirra mökum, allt frá fyrsta degi og þar til ég hafði skilað af mér.

Það var táknrænt, tilkomumikið og eftirminnilegt þegar ég tók við umdæmisstjórarstarfinu á umdæmisþinginu í Keflavík í júní 1990, þegar félagarnir úr Rótarýklúbbsi Mosfellssveitar og makar þeirra, sem voru fjölmennir á þinginu, gengu sem einn maður og stilltu sér upp á bak við okkur Sigrúnu. En það var ekki aðeins táknrænt. Það var eins og heidursmannasamkomulag. Allir voru alltaf tilbúnir að veita okkur stuðning og rétta hjálparhönd hvenær sem var og til hvers sem var.



Frá umdæmisþingi, Hótel Örk 1991

Formótið og umdæmisþingið

Sú kvöð fylgir starfi umdæmisstjóra að í lok starfsárs hans ber honum og klúbbsi hans að sjá um undirbúning og framkvæmd formóts og umdæmisþings. Þetta er mikil vinna sem krefst góðs skipulags.

Yfirskrift umdæmisþingsins var "NÝ ÖLD Í AUGSÝN", en verkefnið gekk undir vinnuheitinu "UMDÆMISÞINGIÐ OKKAR" og gerir það enn.


Ég fékk Georg H. Tryggvason til að taka að sér formennsku í undirbúningsnefnd vegna umdæmisþingsins. Hann fékk svo til liðs við sig í nefndina þá Friðbert Páls-son, Knút Óskarsson, Vigfús Aðalsteinsson og Örn Höskuldsson. Á herðum þessara manna hvíldi mikil vinna og ábyrgð. Frá því á haustdögum 1990 hittumst við, fyrst hálfsmánaðarlega og svo vikulega í bakherbergi á kaffiteríunni í Norræna húsinu, bárum saman bækur okkar og lögðum drög að næstu skrefum. Þannig gekk þetta fram að umdæmisþinginu, sem haldið var að Hótel Örk í Hveragerði í lok júní 1991. Þessi hópur var harðsnúinn og samhentur og skilaði afskaplega góðu starfi.

Þegar kom fram á vorið voru svo skipaðar undirnefndir og fleiri virkjaðir, þannig að þegar kom að þinghaldið sjálft voru allir klúbbfélagar og makar þeirra farnir að hafa mikilvægum verkefnum að sinna.

Þinghaldið sjálft gekk svo eins og vel smurð vél og var lengi minnst af mörgum rótarýfélögum sem sérstaklega vel heppnaðs þinghalds.

Ég vil nota þetta tækifæri til að endurtaka þakkir mínar til allra þeirra sem studdu mig svo dyggilega. Kærar þakkir til ykkar allra.

Eiríkur Hans Sigurðsson
f.v. umdæmisstjóri



Eiríkur og Sigrún með alheimsforseta og eiginkonu hans




Þverholti 8 • 270 Mosfellsbæ • Sími 566 6600 / 566 7200



Tunahöfða 12 • 130 Reykjavík
Sími 567 4080 • Fax 567 4084
gp@gp.is
RAFLAGNIR-BODLAGNIR-TÖLVULAGNIR

Útilegu-annáll

Frá upphafi hefur það verið eitt að sérkennum rótarýklúbbsins okkar hve fúsir félagarnir hafa verið til sameiginlegra ferðalaga. Mætti jafnvel halda því fram að klúbburinn hafi að þessu leyti verið dálítið fjölskylduvænn. Makar og börn hafa ætíð tekið þátt í þessum ferðum og í seinni tíð hefur tengdasonum og -dætrum fjölgað til mikilla muna svo ekki sé minnst á blessuð barnabörnin.



Hellt uppá

Betri „græjur“

Ýmislegt hefur svo sem breyst á þessum 20 árum. Gömlu tjöldin eru horfin af sviðinu og þar með þessar skemmtilegu uppákomur, sem stundum urðu, þegar menn uppgötvuðu um seinan að tjaldsúlupokinn tilheyrði einhverju allt öðru tjaldi en því þeir hugðust gista í þá helgina. Við höfum gengið í gegnum tjaldvagnabyltinguna eins og önnur landsins börn og nú gerast sífellt algengari fellihýsi þau, sem í okkar hópi ganga undir nafninu „ellibraggi“; húsakynni sem helst má jafna í þægindum og búnaði til sumarbústaða á hjólum. Í takt við það hefur bílaflotanum eitthvað farið fram og vélaraflið vaxið.



Að í Drangey

Grillað, sungið og spilað...

Dagskráin hefur líka orðið stilltari með tímanum. Menn eru hættir að stunda sjálfir pokahlaup, hástökk og aðrar slíkar háskalegar íþróttagreinar, eins og gert var kappsamlega fyrstu árin. Orðnir eitthvað misvel til slíks fallnir og gætnari. En börnin og barnabörnin halda því merki enn hátt á lofti. Hins vegar sitja menn í seinni tíð jafnvel enn fastar og lengur við grillin en áður og úthaldið er furðu gott við söng og glens þegar kveikt hefur verið í varðeldinum ómissandi og gítarinn dreginn fram.

Hetjudáðir í Skagafirðinum

Ekki má þó skilja þetta svo að við séum allir hrumir og aldurnignir orðnir. Síður en svo. Sannaðist það ótvírætt í síðustu útilegu sem var farin á Bakkaflöt í Skagafirði við metþátttöku. Milli 80 og 90 manns, að því er talið var. Þá arkaði hópurinn á fyrri deginum frá Reykjum á Reykjaströnd, þangað sem Grettir sótti eldinn forðum daga, um stórgrýtta urð og torfarna allar götur út í Glerhallavík, klifu síðan Drangey á síðari deginum eða fóru í flúðasiglingu á þeirri ógurlegu Jökulsá austari. Allt voru þetta sannkallaðar hetjudáðir.


Saga sumarferðanna

Fyrsta útilegan var farin á stofnári klúbbsins 1981 og þá að Húsafelli. Aftur varð Húsafell fyrir valinu árið 1982 eftir að hafa sigrað Bolabás á Þingvöllum naum-

lega í kosningu á klúbbsfundi. Árið 1983 varð Þjórsárdalur fyrir valinu en þá rigndi hann bæði eldi og brennisteini. Árið 1984 var ferðin hinsvegar felld niður vegna þess að einn félagana og fyrrverandi forseti klúbbsins hafði skömmu áður lent í flugslysi og þótti tvísýnt um batahorfur hans. Á sama veg fór árið 1985 en þá um haustið var reyndar haldin mikill haustfagnaður að Skógarnesi, svokölluð skógarhátíð, sem varð allfræg og þótti koma í stað útilegunnar. Árið 1986 var svo farin fyrri berjartínslu- og gæsaveiðiferð klúbbsins vestur á Barðaströnd. Gist var við Bjarkarlund og ferðin endurtekin árið 1987. Afleiðist í báðum þessum ferðum vel af berjum og munnfyllir af gæs. Árið 1988 urðu Landmannalaugar fyrir valinu, Hvammstangi árið 1989 og Básar árið 1990. Síðari áratuginn af lífshlaupi klúbbsins hafa ferðirnar verið farnar sem hér greinir: Árið 1991 var farið að Hólum í Hjaltadal, 1992 í Álfaskeið, 1993 var aftur farið að Húsafelli, 1994 að Seljavallalaug undir Eyjafjöllum, 1995 að Steinstaðaskóla í Skagafirði og árið 1996 var ferðinni heitið í Stykkishólum. Árið 1997 varð Varmaland í Borgarfirði fyrir valinu og Bjarnastaðir í sömu sveit ári síðar. Árið 1999 var haldið til Hvammstanga og síðasta ferðin var, eins og áður segir, farin á Bakkaflöt í Skagafirði.

Hvernig sem veðrið lætur

Eins og gengur á okkar góða landi, hefur útileguveðrið verið með ýmsum hætti. Við höfum fengið okkar skammt af þessu yndislega síðsumarsveðri, sem vermir upp sálina. En líka verið við að hefjast á loft, nú eða rigna niður. Í raun hefur veðrið þó skipt minnstu máli. Þegar hópurinn er samhentur og félagsandinn góður verður útilegan vel heppnuð, hvernig sem veðrið lætur, og minningin um hana ljúf og góð.



Pokahlaup hjá þeim yngstu

Tímamót í sögu Rótarýklúbbs Mosfellssveitar

Þrír nýir félagar gengu í Rótarýklúbb Mosfellssveitar nýverið. Það eru þau Ragnar Sigbjörnsson, prófessor við Háskóla Íslands, Sigríður Anna Þórðardóttir, alþingismaður og Elísabet Ólafsdóttir, skrifstofustjóri hjá sáttasemjara ríkisins. Þær stóllur Sigríður Anna og Elísabet eru fyrstu konurnar sem boðin er innganga í okkar félagsskap. Sá atburður markar óneitanlega nokkur tímamót.



Fyrstu konurnar í Rótarýklúbbi Mosfellssveitar

Tímamótadómur

Þar til árið 1987 voru rótarýklúbbar hreinræktaðir karlklúbbar. Það var beinlínis mælt fyrir um það í lögum hreyfingarinnar, að einungis karlmenn gætu fengið inngöngu. Það ár gekk hinsvegar í hæstarétti Bandaríkjanna dómur í máli, sem einhver kjarnakona höfðaði gegn alþjóðahreyfingu rótarýs til að fá þessu hnekk.

Hún vann málið.

Þetta taldist ólöglegt kynjamismunun og rótarýmenn í Bandaríkjunum máttu láta sig hafa það að breyta grundvallarlögum sínum.

Í framhaldi af því ákvað síðan löggjafarþing rótarýs tveim árum seinna að þessi breyting skyldi gilda um allan heim. Það þótti óheppilegt að ekki giltu um hreyfinguna sömu lög og reglur.

Ýmsir aðrir þjónustuklúbbar halda enn í kynjaskiptinguna og taka eingöngu inn karlmenn. Lions, Kiwanis, Oddfellowar og kannski einhverjir fleiri.

Viðhorfin að breytast

Íslenskum rótarýmönnum hefur gengið misjafnlega vel að kingja þessum dómi og afleiðingum hans. Þar kemur sjálfsagt ýmislegt til, líka sú gamalkunna og landlæga þrjóska, að vilja ekki láta einhvern annan ráða yfir sér frekar en Bjartur í Sumarhúsum forðum daga.

Sumir þrjóstast við enn í dag og er það auðvitað þeirra mál. Fæstum þykir það þó ekki sniðugt lengur og heldur ekki sérstaklega stórmannlegt. Viðhorfin eru að breytast hratt og sífellt fleiri klúbbar opna dyr sínar fyrir konum.

Þeir klúbbar, sem nú eru stofnaðir, eru flestir eða allir blandaðir klúbbar.

Nýir félagar - konur

Konurnar munu því hafa í þessu máli sigur á endanum, eins og í öðru. Okkur er það sérstök ánægja og heiður að bjóða þessa ágætu liðsmenn velkomna í okkar hóp og minnum á það sem þjóðskáldið Matthías sagði einhverju sinni „að konan væri piparinn í lífsins plockkfiski.“



G. PÁLMASSON ehf.

Funahefða 12 • 130 Reykjavík

Sími 567 4080 • Fax 567 4084 • gp@gp.is

RAFLAGNIR-BOÐLAGNIR-TÖLVULAGNIR



BÚNAÐARBANKINN

Allar fóðurvörur fyrir íslenskan búpening

Fjölbreyttar — Ferskar — Fyrsta flokks
FB-Fóðurblandur

Kúafóður — Svínafóður
Hæsnafóður — Hestafóður
Kanínufóður

Auk þess fóðursölt og vítamín fyrir allt búfé

Veitum góðfúslega allar upplýsingar
um fóður og fóðrun

Fljót og góð þjónusta — sendum um allt land



FÓÐURBLANDAN HF.


KORNGARÐI 12 • S: 568 7766 • SUNDAHÖFN

FORYSTA Í FÓÐURBLÖNDUN



- finndu muninn

HVER ÞJÓNAR þínu öryggi?



*Það er fátt eins mikilvægt í lífinu og öryggi.
Þess vegna áttu rétt á að fá örugga leiðsögn og fyrsta
flokks þjónustu þegar tryggingamál þín eru annars vegar.
Komdu eða hafðu samband, við gerum alltaf okkar besta.*



TRYGGINGAMIÐSTÖÐIN HF

-þegar mest á reynir!

Aðalstræti 6 - 8 • 101 Reykjavík • Sími 515 2000 • www.tmhf.is



KOMDU ÚT AÐ LEIKA



BEINN OG BREIÐUR VEGUR - ALLS STAÐAR